

# 金光明真經註解

李錦佳於多倫多撰解

## 祈禱詞

(其一)

**誠惶誠恐，禱告無生，生生不已，化育乾坤，大哉至誠化天心，日月光明，至誠拜禱，宇宙皆春：**

具至誠惶恐，戰戰兢兢之心，向無生聖母禱告。由無生之生而有生，故能生生不已，生天生地生萬物，人秉天地所生，乾坤資始，二五所成，二氣故得化育，造就乾坤。大哉乾元，以至誠感動天心。天朗清明，日月光輝，遍照大地，民康物阜，自見祥和。至誠虔拜禱告上天，使宇宙皆得祥和，如春臨大地，喜樂歡欣無限。

(其二)

**心平氣和，孽海不波，一絲不掛奈我何，相與無生離娑婆，不生不死住極樂，管他孽海狂波，管他孽海浪波：**

心不起不動自平，氣不憤不怒自通暢。心氣平靜，自見平和，既能平和，則一切不具不著，孽海何能起波濤。孽海為心之所繫，能具定與靜，自能一絲不掛，於任何衝擊下，不起其意，不動其心，塵俗之孽海駭浪波濤，豈能奈何於我。常住我靜，則能與無生會合（無生者吾人之心也）。不受塵俗干擾，達不知不聞之境，此自在境界，長樂我靜，孽海之狂波逐浪，一切不知不聞，其奈我何，自得其樂而觀自在。

(其三)

**我心即天心，如如不動百不驚，眾志成城，化兩春風啟文明，堯天在此舜日興，普天奏昇平：**

我心能平和，不起孽海波濤，清靜自在，常存慈悲，學天地之無私覆載之大德，即能代表天心，此為天心即我心也。如如者，能彼此之心皆不起不動，平定自在，則百變不驚，敗壞之風氣，絕不受其惑。眾生皆持如如之心，不起不動，自能眾志成城，達於至境。眾皆持而行之，自能春風化雨，文明有象。景星慶雲，如堯天舜日興盛之世。普天之下，得見昇平。

(其四)

**曼陀普散琉璃世界，心香一瓣傳天外，法界蒙薰，金身不壞，如來降臨觀自在，乾坤一體，老安少懷，靄靄一堂，無掛無礙，不生不滅，盡是如來：**

既達如如之境，自在乃得，仙花普散清寧，娑婆化作琉璃境，塵俗之世，

化作清涼妙境。具虔誠心向天頌禱，心香則能達妙境。金身不壞，乃自己之身不壞。其心不起不動，無變無易，得自在光明，光明透徹，金身不壞之身顯現，即是如來，達觀自在之境，此境非境，乃自己已達真如，法性自達。乾坤一體，為吾人水火得既濟，水火能既濟，則五氣調和。老安少懷，即天清地寧，天清地寧，乃吾人之頭腦清醒，心境康和。如此眾生則能和和靄靄共聚一堂。既聚於一堂，則共達無掛無礙境界，即心無掛礙，無恐怖，遠離顛倒夢想。一切皆虛幻，不著於心，不著於相，便見至性，至性曰佛，自能不生不滅。不生不滅者，乃得永生，佛性得見，便是如來。

### 默禱願力詞

願以此丹心，相與眾人行，  
浩劫悉解除，天下奏昇平，  
一切三塗苦，化作如來春，  
我今發宏願，此心果虔誠，  
但願無生母，息災降福臨：

默默禱告於穹蒼，願以此至誠之心，廣發宏願。願眾生皆脫苦海，同登彼岸。彼岸既登，浩劫悉數解除。浩劫既已解除，則天下昇平，共享和樂。一切三塗苦劫，三塗者，火塗、血塗、刀塗也。火塗乃地獄道猛火焚燒之處，血塗乃畜生道互相噉食之處，刀塗乃餓鬼道被刀劍等逼迫之處。三塗地獄苦得到解脫，悉化作如來清涼妙境，共沐慈恩。我今所發之大願力，具虔誠果敢之心。祈求 無生聖母之德蔭，加庇於世間。平息世間一切災劫，使幸福降臨塵世，共慶昇平，眾生之幸也。

## 無生聖母聖誥

### 香讚

無生之生妙玄玄，太空無為有形先，  
 空氣凝成水晶體，光明透徹無量天，  
 一切色相包羅盡，群生養育廣結緣，  
 或分或合咸不住，道化天人乃自然：

無生之生，為無形無極而生無生，故無生之生極其玄妙，從無至有，其有則混混沌沌，不知其所以焉，故稱玄，從玄而生氣，氣化而有生，故稱妙而玄。其先天產生之氣體，名有形者，其氣體乃先天所產生，故能於空氣中凝結成水晶之體狀。此水晶之光明直達於無量天上。晶瑩通透照澈，將世間法悉照耀無遺。無生既生而養育教化，群生得水晶氣體而結緣，故能生生不息，能善養浩然之氣，則得永生。得永生則不生不滅住極樂，所以於或分或合中完全不受影響，於無掛無礙，不起不動中，達於天人合一。其道蕩蕩而和焉，此乃自然之道，常樂我靜，靜定而生慧，自達性天。

### 一誠皈道禮

大悲大願，無生聖母。（三稱）

不極之極，不神之神，具太空之炁以凝五行，本來無色無相，調和內外之神，一卵爆發成三界，兩儀分闢奠五行，前不知其前，後不知其後，此身為何，惟空與無，空中不空，無中不無，具空以養無，具無以成空，空不空兮而體固，無不無兮而形成，物物具此以成體，物物具此以成形：

大悲大願，無生聖母。

不極之極，為無形無極而生太極。不神之神，為無遠弗屆之承接者也，其能承接無形無極之旨意，具太空之精氣凝聚於五行。此五行由炁氣之所化，本來一切不具，何來色相。無色無相，自能調和內外之神。其能調和內外之神，乃外為無形，內為無生之精神。無形以先天之祖炁培養後天之神氣，後天得先天之助，以後天之氣調養其精氣，內外相承，炁氣所生，則能調和內外元神，氣清神寧也。無形無極炁化所成水晶之體，此水晶之體，一卵爆發而生三界，三界者，天地人也。兩儀開闢而陰陽始，陰陽始而天地生，而五行成焉，五行為金木水火土，人體五行乃心肝脾肺腎，五行既定，內外得生。前不知其前，後不知其後，乃不具不著之謂，能不具不著，則見至性。達至性之道，不知此身為何物，不知不聞，惟餘空與無。空中不空謂至空，無中不無乃至無。以空來養無。以無來成就空。所謂空不空兮而固其體，能固其體是謂空而不空。無不無兮其形乃成，形成則其心不具，是謂無中不無。物物能空則能成金剛不壞之體。物物具無則大智慧能成能。空中不空乃具其體，無中不無乃心無掛礙，則得自在。

## 眾佛如來聖誥

前無如來後如來，因有如來法相開，  
無色之色色之始，無相之相躋春臺，  
常拈蓮花常帶笑，金色身中羅三才，  
一切皆空法相定，普散曼陀淨塵埃：

在未學佛理之前，何謂如來，全無認識，參悟佛理之後，方知如來義理，如來者，乃釋迦如來十稱號之一，梵語云，多陀阿伽陀，亦云怛他揭多，怛他者如也，揭多之義有四說，即來、去、知、解說法也。然古譯多云如來，金剛經云，從理名如，從智名來，是代表學佛之理智。能具備如來慈悲，用理智感化世人，法相莊嚴，宏開普度。能學天之德，無私光照，不分賢愚界限，一體看待，便是無色，能一視同仁，不分彼此，其心不起不動，不知不覺，一片光明無顏色，此為無色之色，乃色之始也。無掛無礙何來相，相非實相自莊嚴，能空色相觀自在，自在花開聚一堂。如來拈花微帶笑，顯真常，現金身。金身透現琉璃體，三才六道盡包羅。包羅不動如如是，塵埃不起，三界昇平。仙花漫天飛舞遍人間，得大自在，其樂何如。

### 一誠皈道禮

大聖大慈，大悲大願，眾佛如來。（三稱）

何以謂佛，原無定相，既無定相，有形皆如，何以為如，如是而已，如能如是，則可不知，既不可知，則不拈花，既不拈花，何以示笑，示笑非笑，乃是明覺，明覺何以示笑，乃具慈悲，慈悲乃德，乃德非德，乃德自在，所以示笑，笑生菩提，菩提廣種，人我咸具，物我咸具：

何以為之佛，佛本無準則及形象。既然如此，人皆可為，吾人能具慈悲愛眾之心，不貪不謀，固定其宗旨，此即為佛之心，如是而已。能守之行，則內心清淨，不起不動，順自然之道而已，自然者不起不伏，則不知，一切不具，光明清澈，何用拈花。拈花微笑乃啟悟，既經啟悟則心花開放。心花開放似笑非笑，達明覺之境。明者遍體通透清明，一塵不染，凡濁盡去，覺者覺其本悟其真，達真實不虛境界，還我本來，如來即我。如來者，應具慈悲，慈者關懷愛護，悲者悲憫憐惜。能行慈悲者，其行乃德，德具行仁而守禮，能不具不著，是謂至德，大德不具，德不見其德，清淨光明。德具自在，能見自性則示笑。笑生明覺即菩提。眾生皆能明能覺，則菩提廣種，遍地金蓮。人我咸具，物我咸具，同歸樂境，至性共達也。

所云眾佛，原非眾佛，乃是眾生，眾生乃佛，咸具明覺，有明覺故，所以曰佛，無明覺故，乃曰非佛，佛與眾生，原無彼此，既無彼此，即離迷津，既離迷津，即得極樂，願我眾生，如斯而覺，願我眾生，如斯宏博，色相了矣，圓覺證矣，大悲大願，金色身中，金剛城裡，而現如來。

南無大悲大願廣大靈感一切眾佛如來。

所言之眾佛如來，於未證悟前，非佛也，乃是眾生。眾生能證悟本來，明心見性，是為之覺，即是佛性，故曰眾生乃佛。能咸具明覺，明其心，覺其本，謂之明覺，能具明覺者則稱佛。其未能明覺者則非佛。其實佛與眾生，無分彼此的。能明能覺則為佛，為佛即達如來之境，則無分別佛與眾生之心。無分別心則離迷津，迷津者迷幻不清也。既得清而離濁，迷幻不起，痴愛不生，心靜神清，即達極樂境界，極樂者五內清靜自在，光澈安寧，苦惱不生。盼望大地眾生。能瞭解之而得明覺。更願眾生。達宏大廣博之妙境。清靜光明，不垢不動，則色相皆了然而空。空則達圓融正覺而證道。既已得證，必抱大慈大悲之心，發大願力，宏願普度眾生皆得證覺。光明透體，顯現金剛不壞之身。自見如來之本來，見證佛性也。

## 廿字寶懺

### 香讚

清淨佛堂，正氣皇皇，翠爐丹鼎，玉嵌銀裝，  
飄飄瑞靄，閃閃華光，琉璃境界，經緯文章，  
天運午未，劫罹延康，諸大菩薩，救苦不遑，  
體用廿字，德教大昌，蓮花燦爛，甘露清涼，  
乾坤錦繡，宇宙芬芳，金盤種返，無邊馨香：

佛堂清淨，乃人之心得清淨。其心淨，其理正，則正氣浩然。丹爐定鼎，乃氣定神閒，不起不動，精生氣足，神智湛然。光明遍體，金精燦然，如玉雕金裝。祥光瑞氣，靄靄飄動。華光閃耀金色身，心境無塵，自見光明，此境即是琉璃自在身。勤修廿字感天地，災消劫解樂融融。天運午未，為三期延康大劫之將臨，赤馬紅羊，乃過去大劫之年，於人體中，午屬頭，未屬口，口舌招尤，飲食過量，喜怒無常，頭昏腦脹，如腦沖血中風，無法飲食，自召其禍，此為人自召午未之大劫降臨也。可哀也夫，所以諸佛菩薩，不忍眾生迷寐，遭此浩劫，紛起臨凡救世，解救災劫，廣說經文，廣為勸導，引眾生了解天地之大德，冀眾生皆醒覺於迷。能身體力行修持廿字，持之以恆。德育教化，自必昌盛。人間美境呈現，春風吹遍，金蓮湧現。點點甘露滴心頭。乾坤一體，水火調和，錦繡前途遍宇宙。芬芳馥沃達金盤。馨香處處極樂無涯矣。

### 志心皈命禮

南無大聖大慈，大悲大願，忠字主宰剛正佛，  
懺悔虛偽不實不忠之罪：

忠字主宰剛正佛，剛正乃堅定不移，不屈不撓，正大光明，行為端正。有違者，應懺悔其處世虛偽，以假作真，存心欺詐，不忠實對人之罪。

### 志心皈命禮

南無大聖大慈，大悲大願，恕字主宰無量佛，  
懺悔爭奪殺伐不恕之罪：

恕字主宰無量佛，無量者，對人應存量度廣，於事於人不斤斤計較，能恕則能量，量大則德生，何來爭奪殺伐。有違者，應懺悔其量淺狹窄，導致爭奪殺伐起於心，此乃實難寬恕之罪孽也。

### 志心皈命禮

南無大聖大慈，大悲大願，廉字主宰清淨佛，  
懺悔貪婪不厭不廉之罪：

廉字主宰清淨佛，廉則清，清則潔，清廉則不貪，貪念不起，則清淨見明，自能慎守廉潔，品德言行盡見。有違者，應懺悔其貪婪不厭，欲望難填，不知其廉與恥所作所為之罪孽也。

**南無大聖大慈，大悲大願，明字主宰光明佛，  
懺悔黑暗欺心不明之罪：**

明字主宰光明佛，光明如日月並照，無私愛私憎，人能存此心者，則昭明如日月，不起欺心，正大光明者也。有違者，應懺悔暗室起心，為非作歹，作不道德之胡為，皆有欠光明，有乖良心，喪心病狂之罪孽也。

**志心皈命禮**

**南無大聖大慈，大悲大願，德字主宰廣大佛，  
懺悔凌辱孤寡不德之罪：**

德字主宰廣大佛，行仁守德，自必守義存忠。愛人惜物謂之德。德為道之本，無德則無道，無道德則非人。故人必修福積德，代代能延慶。有違者，應懺所作所為，厥失其德，欺壓弱小，凌辱孤寡之行為，應從速悔改，積福行德，彌補其不德之罪孽也。

**志心皈命禮**

**南無大聖大慈，大悲大願，正字主宰慧遠佛，  
懺悔彎心曲性不正之罪：**

正字主宰慧遠佛，天地有正氣，日月有星辰，此代表天地之準則。人具有剛正浩然之氣，表裡內外皆守於正，是謂正氣。能身體力行，守禮存義，不作無禮之舉，不作苟且之事，自得其正。有違者，應懺悔其心術不正，彎心曲性，貽害於人。應速速改過自新，修正身心，以消解其行為不端之罪孽也。

**志心皈命禮**

**南無大聖大慈，大悲大願，義字主宰感應佛，  
懺悔知恩不報不義之罪：**

義字主宰感應佛，義薄雲天，乃高義隆情也。為人勿貪無義之財，受人所托，義無反悔。忠人之事，義不容辭。受人恩惠，義當圖報。義氣乃肝膽相照，互相扶持以盡義，此義之理也。有違者，應懺悔其義理不存，一己之私，大恩而不思報，情義何存，肩負其不義之罪孽也。

**志心皈命禮**

**南無大聖大慈，大悲大願，信字主宰宏濟佛，  
懺悔欺誑反覆不信之罪：**

信字主宰宏濟佛，君子守信重諾，一諾千金，言其守信承諾。人之道德，有誠篤不欺，有約必踐。夙為人所信任者，謂之信用。信則不欺，此重承諾也。有違者，當自懺悔其欺詐自大誑妄，反覆無常，自欺於人，不守信諾之罪孽也。

**志心皈命禮**

**南無大聖大慈，大悲大願，忍字主宰普度佛，**

**懺悔因隙報怨不忍之罪：**

忍字主宰普度佛，忍者量廣。能忍則性自豁達，何來爭執與糾紛。時刻能檢討自己，不起忿怒心。能忍則能諒，實是求是。能忍則禍不侵，若不克持，忿怒填胸，勢成水火，互不見諒，因小事而積怨，禍害自生，何苦也哉。為人應明白恕、忍、禮、和四字，能守能行禍不侵。如有見違此忍字者，即應懺悔因隙而報怨，存報復心，不守其忍之罪孽也。

**志心皈命禮**

南無大聖大慈，大悲大願，公字主宰性定佛，

**懺悔損人利己不公之罪：**

公字主宰性定佛，性定則明，明則正，正則公。公正廉明，無私乃公，公私分明。明則不欺，表其公正，虧心損益之事不為。心存厚道，效法於天。天道無私，唯德是賴。行公自見德，德見立本。故有違公道者，應懺悔損人利己不公之作為，虧心存私作弊之罪孽也。

**志心皈命禮**

南無大聖大慈，大悲大願，博字主宰淨肅佛，

**懺悔殘酷同類不博之罪：**

博字主宰淨肅佛，心靜自寧，肅曰敬曰嚴。能肅然起敬者，必為有道之士。嚴為威嚴與嚴肅。博者廣也大也，嚴正慈祥。抱廣大慈愛心，悲懷廣博，此之為博愛也。具仁愛和平，無疆界之分，無上下之別，平等互助，互相關懷，博施廣益，此大同之境界，何其樂也。凶惡之人，惡意相加，摧殘同類，咄咄逼人，更施酷刑，殘殺毒害相迫。更有弄權起戰禍，災劫連年，使人痛心惋惜。為惡者應速修心反省，去惡從善，懺悔所作之殘暴同類，不修其德，不重其廣博之罪孽也。

**志心皈命禮**

南無大聖大慈，大悲大願，孝字主宰靈光佛，

**懺悔忤逆父母不孝之罪：**

孝字主宰靈光佛，靈則見性，自見光明。萬惡淫為首，百行孝為先。父母生我育我，愛護有加，稍沾微恙，憂傷不已。見兒樂則喜，見兒疾則憂。廢寢忘餐，只望其健康成長。飽經憂患，方見其長大不凡，老懷堪慰。豈知成長之後，不善體恤親心，傷透老懷寄望，此不孝之舉，切宜改之。應善體親心，時刻關懷，使雙親得慰也。試思禽鳥亦有反哺之義，況乎於人。有違者，希即改過，孝於親，使雙親能無憾，善莫大焉，速速懺悔不孝父母之罪孽也。

**志心皈命禮**

南無大聖大慈，大悲大願，仁字主宰自在佛，

**懺悔蹂躪生物不仁之罪：**

仁字主宰自在佛，行仁守德尚義，此為自在之本。仁者愛也，此為無私之



愛。慈愛於民，常存惻隱，不忍傷生。仁義之風，推己及人。行仁守德，惠澤群生。群生得蔭，便見至仁。不仁之人，具險惡心，爭奪殺伐，蹂躪蒼生，禍害於民，致民物不齊，皆拜不仁之所賜也。有違者，應速懺悔自新，痛改不仁之心，戕奪踐踏民物之罪孽，以後當行仁尚義也。

### 志心皈命禮

南無大聖大慈，大悲大願，慈字主宰聖功佛，  
懺悔欺壓弱小不慈之罪：

慈字主宰聖功佛，聖佛功能，廣具於慈。慈者愛也，慈愛悲憫，悲眾生多災多難，故施慈愛普度，以解眾生之苦厄顛連，脫離苦海，達於樂境。其欺壓善良與老弱無依者，犯上失德不慈之罪，故應從速反醒，懺悔其不慈失德之罪孽也。

### 志心皈命禮

南無大聖大慈，大悲大願，覺字主宰圓覺佛，  
懺悔忍心害理不覺之罪：

覺字主宰圓覺佛，圓者圓融，圓融證覺。覺悟本真，是乃至聖，至聖曰佛。佛性平等，覺己覺人。能覺能返本，返本見光明，迷性覺未悟，害了世間人。傷天害理不自覺，忍心無悔強而行，犯下彌天災劫禍，速速醒覺莫癡迷，從速懺悔速醒悟，不覺之中能自覺。醒悟自覺，消除罪孽也。

### 志心皈命禮

南無大聖大慈，大悲大願，節字主宰挽劫佛，  
懺悔果腹傷生不節之罪：

節字主宰挽劫佛，劫由心生誰可挽，一念之善可回頭。節為人之操守，聖達節，次守節，下失節。君子慎語言，節飲食。歲寒松柏，在風寒屹立，不懼風寒，操節凜然。譬為人應注重貞節操守，勿隨污失節。天氣有廿四氣節，節約守儉，亦然其節。不求其奢，但求廉儉以守節。明節理，則傷生果腹是為不節，所云節飲食也。此則應速懺悔不節不義，傷生濫殺果腹之罪孽也。

### 志心皈命禮

南無大聖大慈，大悲大願，儉字主宰救苦佛，  
懺悔暴殄天物不儉之罪：

儉字主宰救苦佛，解災救厄，必行於正，正必於廉於儉。儉，約也，有節制而不妄花費也。儉之美德，守身約則，自存忠厚。節之以制度，用之以謹慎，不求其奢，但求中肯，以正身心。切勿暴殄天物，勿將有用物品糟蹋拋棄，無所愛惜物件也。勿過份慳吝，慳吝過份自失其德，此失德乃刻薄吝嗇，孤寒所致。有利於人者不為，公益之事分文不捨，此乃社會上之蠹賊，不足齒也。儉字有廉正節制，故一切物品，皆應珍惜，勿暴殄之也。如有故違者，應懺悔其失德，暴殄不愛惜物品，此乃不儉之罪孽也。

**志心皈命禮**

**南無大聖大慈，大悲大願，真字主宰解冤佛，  
懺悔奸險邪淫不真之罪：**

真字主宰解冤佛，真則清，何來冤，清不濁，孽自解。心如明月相輝映，真性流露自晶瑩。世人痴迷便見濁，奸貪險詐，邪說荒淫，陷人於不義無禮。不真不實虛偽無恥之徒，痛失天真無邪之清白。為人失真則虛假，虛假則清真不存。能清則不濁，不濁乃心內清淨無物，無物能悟真，悟真得至理，乃悟其性，見性乃清，痴迷自醒。望世人能自醒得清得真，要速求懺悔將冤孽解，解脫奸險邪淫諸惡途不真之罪孽也。

**志心皈命禮**

**南無大聖大慈，大悲大願，禮字主宰消災佛，  
懺悔犯上侮長不禮之罪：**

禮字主宰消災佛，能謙恭守禮，不作踰越之舉，何用消災。守禮無邪災自消，為人能謙讓禮和，和睦鄉黨，守禮謙讓，長幼有序，輕佻無禮之事不為，能執外恭內敬之心，慎守言行，言必及禮。守禮能防淫邪，則能端正其身心。守禮能治亂，則可平胡亂妄為之心。人而無禮，何異於禽獸。人能諄守於禮，互相尊重禮讓，何來犯上侮長不敬不禮。如有見違者，應速懺悔所犯之罪孽也。

**志心皈命禮**

**南無大聖大慈，大悲大願，和字主宰涅槃佛，  
懺悔慢罵輕狂不和之罪：**

和字主宰涅槃佛，涅槃之稱有多種說，又稱作泥曰，泥洹，泥畔，涅槃那等。舊譯諸師，譯為滅，滅度，寂滅，圓寂，不生，無為，安樂，解決等。能達於和者，一切皆得解決，達安樂無為之境界也。和字最難守，何故呢。心存不忿即不和。一些小過節看不開，心存芥蒂亦不和。因利益衝突不和，口是心非不和。人與人之爭不和，爭奪乃起。國與國之爭不和，戰爭乃起。殺伐屢屢，因權利之不捨失和而起也。更有輕視他人，絕不放別人在眼內，是傲慢也。恃勢欺人，動輒呼喝怒罵，目中無人，此為罵也。輕佻浮薄，胡亂妄為，使人側目，是為輕也。危言聳聽，不分是非黑白，狂妄自大，使人憂戚，此即狂也。慢，罵，輕，狂此四者，人最易犯之。能忍能讓，學君子之謙謙守禮，以和為貴。和氣生財，眾所共知也。人能和氣相處，爭執糾紛自無，則安和且樂。如有犯上慢，罵，輕，狂者，希速懺悔醒覺，以解其所犯不和之罪孽也。

**志心皈命禮**

**南無卅字主宰先天一炁無形古佛，  
懺悔違背聖訓之罪：**

宗主推行教導之守則為卅字，以其至理為本。為弟子者，應切切遵守實

行，以作守身立德之本。勿忘皈依時自己檢定廿字中之兩字，以作終身守則藍本。如有故違守則者，應即思過，懺悔違背守則之罪也。

### 志心皈命禮

南無純陰至始太虛金闕無生聖母，

懺悔造孽作惡之罪：

太虛至始而純陰，純陰成教化而產金闕。太極成焉而具無生，無生有生，故生生不息，化育萬類，人亦賴之以生，故能成長。成長後受痴愛之顛連，貪婪之利誘，嗔恨之心生，理智盡失，作惡多端，罪深孽重，不知所由來也。應速醒覺其非，懺悔過去所犯造孽作惡之罪孽也。

### 志心皈命禮

南無玄穹玉皇，掌理三界無上至尊，

懺悔不敬天地，不孝父母，不睦兄弟，誹謗聖佛，顛倒倫常，明謀暗騙，一切不赦之罪：

以志誠之心，向玉皇至尊禱告，請求恕罪懺悔，對天地之不敬，怨天恨地不相就，對父母不孝，兄弟不和，不善體恤親心，傷透老懷，大逆不道，對聖佛先賢不恭，作無端之誹謗，不明道義，理性盡失，墮於惡途而不覺，倫常顛倒乖亂，五倫蕩然無存，八德盡喪，禮義廉恥不存，光天化日之下，謀奪於人，暗施行騙害人，罔顧他人生死，道義何存，所作所為，應受天譴，懺悔種種一切不赦之罪孽也。

### 志心皈命禮

南無十方三界，洞天福地，群仙群佛，列聖列真，

懺悔任意妄為，不知所畏之罪：

具志誠心，向十方三界，上天下地，諸聖佛仙真禱告，望能赦免其口不擇言，屢皆出言不善，諸多毀謗神明，狂妄無知，愚昧之極，對天地之不敬，對諸聖佛仙真之不善，無所畏懼，冒犯難恕，既知其錯，應即懺悔過去所犯任意妄為，不知敬畏之罪孽也。

### 志心皈命禮

南無周天三百六十五度，四七二十八宿，三台九曜，一眾星君，

懺悔穢污三光，不知敬禮之罪：

周天三百六十五度，由伏羲氏創立周天曆度，廿八宿，分為

東方(蒼龍七宿)角、亢、氐、房、心、尾、箕，

北方(玄武七宿)斗、牛、女、虛、危、室、壁，

西方(白虎七宿)奎、婁、胃、昂、畢、觜、參，

南方(朱雀七宿)井、鬼、柳、星、張、翼、軫。

三台：星名，謂上台、中台、下台，共六星，兩兩相比，在斗魁之下，亦作三能、亦稱三階、又稱泰階。

九曜，指北斗七星，加左輔右弼兩星。輔一星在第六星旁，又招搖一星在

北斗杓端。北斗星一至四為魁，五至七為杓。

三光者，日月星，吾人應向上天之日月星辰懺悔，因涉苟且及不堪聞問之事，致污穢無狀，不知守禮尊敬之罪孽也。

### 志心皈命禮

**南無百零八司，七十二獄幽冥主宰地藏王菩薩，  
懺悔生世所犯一切孽債，不知所戒之罪：**

百零八司乃管理七十二地獄主管，總理地獄最高主宰為地藏王菩薩。百零八司為九天，七十二獄為九地，即九幽之獄。九天管轄九地，此為上管下轄，鑒察於世上之人，其所犯之一切罪孽，及不知悔改者，一一定之以罪，於地獄中受果報也。希望人能速速醒覺其所作所為，懺悔生世所犯不積德不修身，不知所戒之罪孽也。所謂天網恢恢，疏而不漏者也。

### 志心皈命禮

**南無五湖四海，一眾龍神水官，  
懺悔穢觸水府不潔之罪：**

為人要潔身自愛，守身立德，自見其潔。潔者其心正，其理清，守廉恥，無一絲污垢也。失德者，不修其身，其身不正，則為酒色之賴。污濁處處，洗於水而污染於湖海，水府受其污穢所染，使眾龍神水官不安。犯之者，應修身培德，潔身自愛，勿使水府眾神難安，速即懺悔潔其身，解其罪咎也。

### 偈曰

**此心即廿字，此身現光明，  
常著清淨體，廣播如來音，  
脫去桎梏具，還我自在身，  
滌垢別清濁，養性辨假真，  
早得無上果，至道無比倫：**

吾人能夠心中有廿字，於人於事，皆存厚道，不偏不倚，無分別心，得見光明。光明者，清淨也，能時刻不動不起其心，則得自在。其常能保持清淨之心境與身體力行者，則得清淨光明之體。既得清淨光明體，則要宣揚廿字之德音，勸人遵守廿字，切切實行。人皆守此廿字，不妄作胡為，和睦共處，與人無爭無忤，苦厄自解，桎梏刑具當自脫。當身心內外塵濁污垢，掃除洗滌殆盡，一塵不染，性海自見通明，晶瑩光耀，真我自見，得證妙道，達至高無上自在樂境也。

## 無形道祖息災挽劫金光明經

### 香讚

爐香靄靄，瑞氣紛紛，息災挽劫，道合天人，  
常樂我淨，物我無爭，天人交泰，萬化歸根：

爐香雲靄紛紛，瑞氣祥和處處。平息災劫挽救蒼生職責，為天人志同道合之志願。天人一體則其心正，心正則神合。能不起不動，自見至性，至性曰佛。佛以清淨為本，清淨得自在，則與世無爭，物我一體，心性平和自達於天。天者心也，天人交接，炁氣相通，則萬物達於化境，自能歸根。歸根曰靜，靜曰復命，為至高之境界也。

夫劫由人生，災由人產，人實為人，曷辭其咎，息災挽劫，曷逃其責，混沌之初，渾渾噩噩，不擾不爭，混元一氣，凝結相成，厥後天開地闢，人乃產焉：

世上各種災劫，皆從人產生而來，何故呢，皆因人之貪慾成性。貪嗔一起，痴愛則生，利害相因，互相爭奪，繼之殺伐，積怨而成。故災劫之所成，禍害從此而生，實人之不和不禮不明所為也。人之所為，實難辭其咎，要息災挽劫，不能捨其責。故人應學修身修心，心正神正，即天心正而人心正也。心正神清，災劫不臨。在混沌之時，天地未闢，渾噩無聞，於不知不覺中混元之氣成焉。炁氣凝結相成，而為太極。太極產生而天地成，陰陽出焉，萬物育焉，人亦於此而生焉，乃天地人之所由產也。

人者有我，我者有他，彼此既判，色相乃成，因有色相，好用其傾，彼高我短，我卑彼尊，不勝其驕慢之性，不勝其好惡之情，爾虞我詐，彼軋此傾，如是冤怨重重，殺伐屢屢，物慾所蔽，利令智昏：

人既得生，則有你我彼此之分，彼此之分既成，則色相乃生。何謂色相，眼見一切事物為色，心所想所好者為相。色相既成，則爭奪佔有之心起。其互相爭奪，互出機謀，傾全力以得之。其力不及者，用陰謀以相傾，造成社會之不良風氣。有力者，則心高氣傲，目中無人，罔自尊大，欺凌於人，其傲慢之性既成，其好惡之心盡現。交往之中，互相扮懵，你欲他死，他想你亡。勾心鬥角，積怨氣於心中，聚結冤孽於不仁。重重冤怨，因爭奪物慾致頭腦受蒙蔽，殺伐因此而起。屢屢為之，此皆權利之不捨，物慾之所好，理智喪失昏迷，造成此因由也。

同類殘殺，報復相仍，墮惡途而不知，是之謂妄人，妄人多矣，天地安得清寧，天地何以不得清寧，以戾氣之下降而上昇，此所以有災劫之降，故曰災劫非天地所有，而實降自人心，人心之善惡，豈亦玉石無分：

自有人類以來，彼此既分，貪嗔隨生，爭權奪利，乃至互相殘殺。因心存不忿，互相長期報復，冤怨緣孽從此而結。拒和氣化解，冤冤相報，無時或刻。從此墮入惡途而不知，此種作惡之人，極端狂妄。而狂妄自大之人極多，戾怨之氣極大，弄至天地皆不清寧。惡濁之氣彌漫，因殘暴惡氣而成戾氣。戾氣污濁鋪蓋天地，由此災劫降臨。此災劫非由天地所成，皆由人心自己造成。假如人能守德向善，互不爭奪殺伐，何來災劫。人心之善與惡，只一念之差而已，美玉與頑石，豈無分別乎，故人應德善兼施，自可化解災劫之途也。

**其實善者自寡，惡者自盈，本根雖一，其心不同，不綱不常，無紀無倫，故善不多見，以習俗相因，習俗不良，乃造惡人，善為惡化，大道以崩，黑暗世界，鐵圍層層，若問彼何以致此，彼則曰，余亦何曾隱瞞不了：**

人之中修善立德者極小，作惡多端者極多，所謂惡貫滿盈。人之身軀結構雖然一般，並無分別，善歟惡歟，其心不一。為惡者，行為乖亂，妄作故為，不重綱紀倫常。故善者小而惡者多，皆為習俗因循而成，受不良風氣所影響。故造成惡者極多，善者受惡氣所薰陶，影響所及，不見其善。道德崩潰無存，受污濁戾氣所遮蔽，致黑暗無光，備受荼毒之苦。鐵圍城處處，人心盡被其包圍所困，無法擺脫。如果問佢為何弄致如斯。因其行為習慣成自然，已無良知，故其云，我何曾為惡到無法隱瞞事實，劣蹟昭彰盡顯，受到懲罰愆責，此時才良心發現，悔恨已晚。

綱紀者，為綱常倫理之標準，理治之本。倫常者，為三綱五常。三綱者，君為臣綱，父為子綱，夫為婦綱。五常者，仁、義、禮、智、信。所謂綱常以勵所學。

**自有天眼分明，天眼何在，在於人心，人心既造此眼，何須瞞昧此心，此心皎潔，自可對天，自可對地，自可寧人，人同此心，不問南北西東，同歸於善，同現光明，光明有路，來茲不曾：**

人之善惡，自有天眼鑒証，分別其善惡。天眼在何處呢？天眼存在人心之中。何故呢？天地以人為心，人秉天地之德，正氣凜然，不偏不倚，自具於心。守中庸，行德善，人心既得天造，其心清靜，自見光明。光明透徹，此眼何須隱瞞以昧其心，有瞞昧則見濁不清。此心既如明月之皎潔，光明無限。上無愧於天，下無愧於地，天地人同心，自能和睦同心相處。人皆盡同此心，和樂安寧，何必分別東西南北。一視同人，四方共享，同步於善。善則慶生，光明遍現，自得磊落無瑕。你已否達到此境界，努力為之，盡見光明。

**香雲繚繞，瑞氣氤氳，龍蟠鳳舞，鶴止鸞停，琪花瑤草，玉樹瓊林，清風拂拂，甘露盈盈，明月在抱，旨酒時傾，**

美哉此處，仙佛造成，金光靄靄，無限光明，仙佛何人，五教聖人：

既達光明妙境，則心花開放，性花開放，自見香雲繚繞，天地和合，祥和之瑞氣遍佈，龍蟠見護，鳳舞相迎，此仙佛之妙境得證，仙鶴停止接引，鸞鳥不再結絲蘿。離此濁世，得見仙花妙草，見聚於玉樹瓊林中，共證其樂。和風拂掃輕吹，醒神舒暢。甘露滿盈，遍體生輝，心如明月之皎潔。胸懷無一物，自見樂逍遙，美酒時相對，把酒共證禪，偉哉此妙境，仙佛所造成，眾生能見悟，得證此妙傳。金光靄靄遍處現，現出無限大光明，仙佛何人來引度，五教聖人廣施行，普救眾生離苦海，共證菩提悟前因。

### 忠字作溝

溝者溝通也。以忠字作溝，守其忠，處其誠，忠誠相處，無不溝通也。

### 恕字作城

城者城府也。以恕字作城，乃厚道寡言，心內不設城府，自不忍見欺於人。今人之胸懷坦誠者，曰胸無城府，絕不計較得失，故能恕於人與事也。

### 廉字碧瓦

碧瓦即琉璃瓦。以廉字碧瓦，守潔自能見明，能潔能明，則不貪不謀，自見其廉。廉潔為人之操守，其心自能靜定也。

### 明字朱甍

朱甍屋棟也，可以承瓦，故從瓦。以明字朱甍，夏天為朱明，日也，代表光明遍照及能承接其力。樑棟之準則也。

### 德字門限

門下橫木，為內外之限，古謂之闕，為門限之名。德字門限，乃人之所為，必有所限，守之為德，道之至也。不守失德，道之賊也。慎乎一己，守之勿失。

### 正字窻櫺

窻櫺乃窗中格條也。正字窻櫺，代表方位規格皆正，有條不紊，各皆得其正。人能守德，方能見正。正氣凜然，浩岸自得。

### 義字溪澗

山中水為溪澗。義字溪澗，代表山水長流，資助萬物生長，欣欣向榮，責無旁貸，此義之長遠所繫也。人能仗義，見義勇為，不分彼此，當仁不讓，義無反悔，此乃為人之道義所繫也。

### 信字山陵

高原概稱山陵，仲夏之月，可以升山陵，言其月照山幽，清明夜景。信字

山陵，為誠信之可貴，守誠守信，如山如阜，見信不苟也。

### 忍字後戶

後戶為玄武，北方七宿之名也，亦稱真武，神名也。忍字後戶，以太陰之柔而行忍，忍辱而見性，能忍則能和諧相處也。

### 公字前門

前門為朱雀，南方宿名，一稱朱鳥，謂向南也。公字前門，前公後忍，公則大公無私，忍則無榮辱，能公能忍，其仁乃得。

### 博字牙簷

牙簷即屋簷也，凡物之下覆者，其冒出之邊皆曰簷。博字牙簷，簷於屋角邊高聳者，高簷遠眺，清雅幽逸，遠也廣也，廣者博也，廣博施為，善之至也。

### 孝字風鈴

風鈴，風吹鈴響之稱，為聲教也。立其喜風，揚其善聲，與風聞義同，謂傳聞也。孝字風鈴，以孝徹世，行孝尚義，教人守禮，孝守其正，風氣之所傳也。

### 仁字玉磬

愛人無私謂之仁。仁字玉磬，代表為人如玉磬清聲，清譽遍人間，仁慈愛護，廣被惠及也。

### 慈字金鐘

博施廣愛為之慈，慈悲愛眾使人醒覺。慈字金鐘，金鐘聲宏，促人醒覺。玉磬金鐘，聲聲啟發，處處聲聞。醒悟啟覺，覺己及人，普及慈憫，愛惜蒼生，此慈悲廣博也。

### 覺字菊嶺

覺則明，明則清，清明如菊之香溢，達顛峰之境。覺字菊嶺，乃覺乃明，乃達至境，如香雲之普蓋也。

### 節字梅林

節乃人之操守，不屈不撓，堅其節，守其行。節字梅林，清高幽雅，節氣堪嘉，其品德操潔，如梅林之幽香脫俗，不受俗塵污染，高風亮節。

### 儉字高樓

儉約美德，不貪不謀，守儉行廉，頤然自德。儉字高樓，不奢不侈，崇尚節儉，美德堪誇。

### 真字閑亭

真者不假，不假則清，自無隱蔽，清澈透明。真字閑亭，清雅脫俗，四方



通暢，一目瞭然，清真自見。

### 禮字作骨

禮稱君子，謙謙守禮，禮義廉恥，國之四維。禮字作骨，代表天柱，天柱得立，自得其正，撐天立地，誰可比擬。

### 和字作心

能和則貴，貴能守則，則立本生，德性自見。和字作心，心物皆虛，自見平和，雍雍穆穆，和藹可親，無偏無黨，至境可登。

**如是廿字，運用其神，普放金光，照耀十方三界，無勿知聞，優哉遊哉，曷勿携手而同登，水火不侵，瘟疫不臨，五災十劫，惟此金光可化之而成灰塵，優哉遊哉，曷勿携手而同登，洗心滌慮，即是善人，廿字輝輝，普放光明：**

以上之廿字，如能實踐行之，普及於世，自得其道而果證。果證生輝，遍體光耀，澈照於三界十方，使眾皆得證其果，勿錯失機緣。達此境界者，得優遊自在，何等快慰。亟需提攜登樂境，達者則水火不能侵，瘟疫蝗禍不降臨。五災乃刀兵水火瘟疫，十劫為五蘊所成。五災十劫，得廿字之光華，將之催毀化為灰塵。災消劫解，無憂無慮，優遊自在，切勿將廿字之精神放棄而不為。同登樂境，從此修心修真，以養其性，達於至善，此廿字光輝照耀，普及大地眾生。共臻永樂也。

### 偈曰

**金精光芒照大千，光明無量本無邊，  
息災挽劫憑吾念，惟是為善即成仙，  
善在何處不知處，廿字輝輝在吾前，  
止於至善止於一，大道光明樂意添：**

金精之光芒，照遍此大千世界，此大千世界實為五濁之世，得金精之光照，使一切眾生獲益無限，而向善日增。廿字光明在吾念，一念之誠，光照清寧，達無量無邊之涯際，使眾生同歸於善。眾志同心，災劫不臨，全憑吾等之信念。堅守志誠，誠信廿字，守善培德，此心已得自在。仙佛者皆吾人之心也，能行仙佛仁慈之心，則具佛性，既具佛性，則一切不具不著。故何以謂善，則不知其善，行善不具則不知，只知一本諸仁。行此廿字，常存於心，廿字之光，照耀於前，光明指引，統歸於正。人人皆存至善之心，眾皆守而勉之，廿字大道之光芒遠照，光照大地，更添華彩，使眾生和諧共樂，共樂康莊。

## 萬天主宰群聖靈根息災歸根真經

### 香讚

萬物本一物，萬天合一天，萬靈何所有，萬根何所源，  
一者以生萬，得一復我先，紛紛息災劫，無一非聖賢，  
吾身合彼身，九六樂無邊，和平春意滿，大千復大千：

萬物之所生，皆由太極所成，成此太極，由無形無極之炁氣化生，太極成，陰陽始，萬物生，物物同源本於一。一之始也，萬天之由來，皆秉於一，一本諸仁，永證於心。萬靈從何而生，萬根從何而長，皆由炁氣之所化。肇始陰陽，一者為始，陰靜而陽生，陰陽得生，生生不已，化育乾坤。萬物資始而繁衍，貪嗔癡愛起禍根，醉生夢死忘其本，災劫紛紛臨，快修心，止其行，心靜性明悟果因，守一復我心，證性悟本根，眾皆能守一，自在在我身，災劫何所有，眾皆如是能反省，個個是聖賢身，此身合彼身，真假不用分，陰陽能調和，水火得氤氳，心平氣和滿洋溢，大千得一皆返本，炁氣還元證無生。

### 經曰

吾人之有身，亦同一靈根，一者天地之始，萬物之源，天得一以清，地得一以寧，人得一以合其靈，物得一以歸其根，道立於一，是道亦為一所生，於是而太極，而兩儀，四象八卦以成，漸而生人生物，庶類蕃興：

吾人能有此身軀，亦同一靈根所成，何謂靈根，由無生而有生所產生，此為太極之所成，無形所造就也。其於一者乃天地始生，萬物之源流，皆繫於此，故天得一則清。一者得仁也，仁者至道至仁，至仁乃大，地得一以寧。此時也，天清地寧人康泰，人得一以合其靈。人能存至德至仁者，抱大慈大悲心，其心不具不著，自能見性，性返於無而合其靈，此培元固本也。物得一以歸其根，果結得仁能慶生，慶生則能歸其根，歸根得靜，靜能返本。道立於一，一本自然，所以道亦為一個自然而生。自然生太極，太極生兩儀，兩儀生四象，四象生八卦，從此天地陰陽交感，族類得蕃殖而生，從此生生不已而昌盛。

蓋不復識其原來，遂以為各有所生，其實相依相輔，亦知皮之不在，毛將安存，況乃同一靈根，何相欺相凌，況乃均是弟兄，何相殺相爭，吾今明告於爾，爾何以而有此身，即有此身，何以能運用如神，即能如神，何以較萬物為靈，吾以問爾，爾亦當瞠目難云：

族類蕃興之後，受貪慾利害所蔽，失卻其固有道德理念，不復知其本，更捨其末。遂以為由各自所生，各自所養，互不干連。其實所生俱由先天大氣一體而來，既得生，應視兄弟姊妹般，互相依輔，互助互愛，共慶其生，切勿因利害反目成仇，要知道皮之不存，毛將安有，況且同一靈根而

生長，怎忍見其受欺凌而相殘，既同一靈根而來，應作兄友弟恭，互相友愛，何必互相殺伐而相爭，結怨結孽何時了，主宰如今明白告訴你知，你為何而有此身，此身由三無而生，二五所成，你既有此身，應好好把握為入之道，修淨身心，摒棄色相貪慾所求，心靜神清，乃無掛礙，自能見其本，本自見神，神光湛現，放大光明，故所以較萬物為靈，萬物性得偏，人為萬物之靈，因具其正，正氣浩然得安泰，主宰今以此問你何得此身，你如何作答呢，竟瞠目不知所答也。

**須知所以如此，實吾付爾以靈，實吾授爾以根，得其正者是之謂人，得其偏者是之謂禽，故世界萬物，皆不若人之靈，不若人之靈者，尚有慈烏以哺其兒，乳羊跪戀其親，甚至渺焉小者螻蟻黃蜂，有君臣之體，有長幼之尊，義勇急公，能合其群：**

你要知道，怎能有生而成長，實由主宰賜予，爾之靈，即性也，爾之根是命也，所賦之性與命，皆有正偏之分。得正者則稱之謂人，得偏者則稱之謂禽。禽與人只一念而已，心正則神智清，心偏則神智昏，神智昏則貪嗔起，痴愛生，爭奪殺伐乃起。此身雖具人形，心如魑魅，惡毒相凝，理性盡失。雖然世界所生萬物，不及於人之靈敏，在此情之下，尚有慈愛之烏鴉哺兒，鴉老其兒能反哺，此為禽能報慈愛之恩。乳羊跪戀其親而不捨，其情使人感觸，人未能效之也。甚至渺小如螞蟻蜜蜂，亦有君臣之體制，有尊長重幼之分別，皆能勇義而為，急公所需，儲量備物，能合其群而互相扶持以養生，息息相關，此即義之理也。物猶如此，況夫於人。

**而人則互相毒害，不任其智慧之爭，於是君不君，臣不臣，父不父，子不子，夫不夫，婦不婦，兄不兄，弟不弟，朋不朋，友不友，苟有怨恨，必報以凶，苟無怨恨，亦必相侵，是習俗之所好，是如今之所尚，靡不效之而勿肯後人：**

禽畜也懂慈愛，人則非之，互不信任，相互交侵更施毒害，既不慈，也不愛，違反道義，失其理智。由此相爭起，禍端生，於是君不君，為人君不正則臣亂，臣亂而社稷危。為父者其身不正，何能教子，子受其父不良影響，不知為人子之道。為夫者行為不檢，禍及其婦，婦受其夫影響，不守為婦之道。為兄者不知禮，為弟者則不羈，何來兄友弟恭。朋友之道失於信，何來道義，更爾虞我詐而相傾，稍有不是，則怨恨在心，惡意相加，誓言報復，與其無結怨者，亦受其侵擾。此種所為，是否風氣之使然，或為環境所相迫，眾皆爭相仿效，惟恐不及也。

**嗚呼噫嘻，吾何忍以云云，然雖不產於吾，吾實付之以靈，授之以根，吾願合而為一，群生萬物以歸根，否則一靈一根，可以化為萬靈萬根，萬靈萬根，不能合為一靈一根，此世界內外無有逾於此者之傷心：**

主宰見一切靈根誤入歧途，不知回頭醒覺，心實惋惜悲嘆，極為難過，不忍見其墮落。雖然人之身體，非由其所生，而人之靈與根，俱由其所給

予，主宰願與眾靈根合而為一，能合一則能返本。群生與萬物能靜能定，心內不起波濤，自見光明，靜合於一，則能歸根。歸根見性，見性則回向，如此者，一靈一根，可化之為萬靈萬根，此守於一之道理。而萬靈萬根，因受貪慾之薰陶，不知自愛，陷於不能自拔，苦海無涯，未能省覺，致萬靈萬根，不能返本合於一，欲挽無由，在此世界上為最難堪最傷心者，莫過於此情此境也。

**斯何以故，三期浩劫，一一將臨，刀兵水火，瘟疫冰雹，繼之罡風，不使化為烏有不止，群天仙佛，曷忍見其遭遇如此，而不為援手，以起之於火熱水深，其實劫由人造，解亦須由於人，仙佛之神通，亦復何能：**

何故如此傷心，因為三期浩劫之災禍，快將降臨於塵世，刀兵之禍，殘殺於民，繼之水火之災害，家園盡毀，瘟疫之傳染，蝗蟲之為害，冰雹之打下，罡風之凌厲摧殘，使一切物物皆吹毀，民不聊生，苦海顛連不已。天上之仙佛群真，睹茲災劫影響如斯之巨，豈能袖手不理，故皆施與救援，冀眾生皆脫離於水深火熱之中。奈何奈何，其實災劫由人所造成，為七情六慾所纏，迷戀既深，利害相爭，殺伐乃起。倫常綱紀大亂，四維八德無存，不修其道，不行仁德，故造成此劫。欲求解救斯劫，亦須由人自己解救，人能修正其心，自見其道，心靜神清，智慧得生，覺過去之非，悟其因達其果，不欺心，不妄為，災劫自解。假如尚執迷不悟，仙佛所具之大神通，因眾生迷夢猶未醒，亦無法替之解除苦厄也。

**何以劫由人造，以其不認同一靈根，互相毒害，戾氣相成，何以解亦須由於人，使能雍雍穆穆，愛愛親親，不但和氣宜人，自是天地咸春，走上光明大道以歸其根，災不息而自息，樂哉廿字光明無等倫：**

何故劫由人造呢，因為其只知有己，不知有別人，全不顧及他人，為著一己之私，絕不認同一靈根所來，故造成互相爭奪佔有，並互相毒害求存。殘暴之戾氣因此而成，災劫禍害由此起。何以災劫須要人自己化解，能解則能和，能和則共睦，快快樂樂，互相友愛而親之。眾皆康樂和諧，天地馨寧，彼此和睦相處，自見其真，真誠心摯自光明。歸根調靜，靜能定，意不起，劫不生。守廿字之道，行廿字之德，大道光明遍體生，偉矣哉，無可相比也。

### 偈曰

廿字光明無等倫，和和靄靄皆含春，  
萬事萬物由於一，得一即可復靈根，  
靈之付兮吾之靈，根之授兮吾之根，  
知此理兮大道畢，何有災劫來侵臨：

廿字之光輝照耀，啟發人心歸於正途，一氣呵成，使人易明易守易行。此至道之理，是無可比擬的。能行能守此廿字，人人皆達德明理，無垢無爭，和穆和霽聚一堂，如春風之輕吹，身心皆舒暢無比。萬事萬物由於一，一者仁也，仁者愛人，存至愛而無私，事事可達，物物可行。得此一者，其靈根自可得見，靈根者乃靜定之本。心存仁愛，不起痴迷，清靜光明，心內常存。靈是無形之靈，根是無形之根，修持能復於一，自見其靈根，則能與無形會合於一。一為本之源也，大道光明澈照，宵小不臨，災劫不侵，無無其無，果證自在。

## 三才教主止劫歸善真經

### 香讚

人極鼎定天地寧，人慾橫流天地否，三才上下中有人，  
惟人是為善心耳，善心立現天地寧，善心永遠光明矣，  
於是劫亦何從來，於是劫乃紛紛止：

人皆行善修德，德澤於世而性定，性定而生智慧，具智慧則光明現。人具光明達天地，則天清地寧，萬物育而化生出，啟後世之文明。人慾橫流天地否焉，因受七情六慾所痴迷，不知其善胡亂妄為，人不知其為人，慾念無休止，倫理道德蕩然無存，苦無寧日。受濁戾之氣遮蔽，致天地否極難安，災劫叢生，禍害難休無了日。三才者天地人，天地之中有人存焉，人恆於善，則代表天地之心。天地無私，人恆學之，無私秉公實善。善合乎天地，天地清寧得安泰，人心皆善，喜見光明達永恆。正氣常存，何來災劫。守善立德，災劫自然紛紛終止不復來。

### 經曰

天地無能為，惟人自為之，我今洩玄機，人力奪天施，何以能如是，人為三才主，天地既生人，天地乃得宜，宜其三才具，誰云生是非，何以生是非，色相紛紛迷，酒色與財氣，貪嗔與愛癡，是之謂外慾，引起爭奪時：

天地間之一切，皆非天地所能為。天地能為者，四時之生長，風雲雨雷之施為，造福大地。一切塵世間之事，皆人自造，非天之所為。人所造者，一切有用之物質，皆人之思想造成。而今洩漏玄機與眾週知，洩漏玄機出於人之機心，其機心能奪天之施予，如事物之所用，科技之所求，用盡心思巧製，何以能為之，因人為三才之主，有天地而生人，人處於三才之中，代表天地之心，既有天心，此天心實人心。人心善天地則清寧，和煦宜人，此為三才具備能養生。有生當有是非，是非何來，因受色相所迷。色者眼所見也，相者心所想也。能引致色相昏迷者，為酒所亂，為色所迷，貪財失義，氣怒心頭。貪之不盡而生嗔，嗔則怒成而生恨，愛則不釋而成痴，痴則瘋顛而忘性。愛惡欲，皆為人之外慾衝動造成，求之不得而起爭奪。從此冤怨結成孽始生，孽債則生生世世難解也。

爾不肯讓我，予亦何畏伊，因此之種種，遍世騰殺機，殺機成事實，可嘆良可嗤，種種相報復，報復無已時，輾轉結成孽，而有此三期，午未運交替，何人能主持，怨氣迷天地，戾氣塞乾坤，正氣殆消滅，此中難以知：

吾等為人，因小事而起爭執。你既不讓我，我亦何懼於他。互而相爭，糾紛因之而起，由此積怨既深。更因種種因由，於不忿之中，隱藏殺機禍患。從此爭奪殺伐乃起，無日無之。民起殺心，國動殺機，此皆權利之不

捨，彼此皆受貪嗔引起，財氣所爭之影響。心性因之喪失而妄為，使人深感嘆息，更嗤笑其為人之不智。憎恨報復，無時或已而為。在你害我仇之下，種種因素，積罪孽於己身而不知。因人之作惡既深而有此三期末劫之將臨。午未運將交替之間，災劫亦快降臨。誰人可以作主，化解其劫，只有吾人自己可將劫消除。能靜其心，誠其意，行善修德，守自己之本。本者仁也，仁心得見，自無紛爭，怨解孽消劫不臨。因人之惡氣瀰漫，怨毒之氣使人心智迷失，致天地不寧。人為天地之心，人心迷失，天地皆因之而受其害。戾氣何能塞乾坤，乾坤者，天乾地坤，在人為男女，在人體為水火，為心腎也。水火能調和，災禍不侵。水火不調，乃其體受戾氣之閉塞，使人之喜怒無常，致心中火在燒，水不及救，此為水火不既濟，禍害立見。傷身害體，劫從此生。皆受惡戾之所擺佈，正氣受其摧毀。存亡一線在於一己，此中之情況，欲求挽救，全在自為也。

**災劫云不降，亦何可以恃，災劫非將至，人心實已遲，悔悟當頭錯，能有幾人知，故雖有善人，一木何可支，故雖有善念，力薄心已微，苟能皆如此，何患災劫為，災劫人自造，天地何所施，人能回善念，災劫立平夷：**

災劫未見降臨，並非其劫不來。尚未見臨者，亦不可自恃而見非。假如災劫突然而來，欲求自保已太遲。來不及也，悔之以晚，能知錯悔悟者無幾。故然亦有人為善，然善者無幾，獨木難撐大局。惡性既強自欺善，故然亦有存善念之人，奈何力量微薄，無力為之，只能自嗟嘆而已。如能奮眾修善，積福善之德，守望相助相扶持，何患乎災劫。災劫為人所自造，作惡多端者所凝聚而成。其災劫非天地能施予，此為人之自作自受也。人如果能洗心革臉，將七情六慾掃淨，清淨其心，誠信待人。不欺心，不欺人，眾皆如是，災劫不臨樂昇平。

**水火皆無有，刀兵銷毀之，狂飈不復有，冰雹軟如飴，蝗蟲不見至**

**，疾疫已可醫，一一都無畏，惟在人知幾，苦海波滾滾，彼岸在眼前，且作無風浪，金津潤玉池，中有九品蓮，皎潔出污泥，盈盈無量色，巍巍正不敬，盍登無上品，各自佔高枝：**

人能醒覺悟前非，修正身心，身心得正，一切災劫悉消除。心能清淨，自能火降水升。水火得既濟，自調和五臟康然。人能修靜修正，心平氣和，自不相傾，何來水火災。眾性皆醒覺，互不相爭名與利，刀兵之災當毀之不存，狂風怪雨皆收斂，冰雹化作雪如飴，蝗蟲不來傷禾稻，頑疾疫厲皆得治。眾若修持自可知，身心修正一切皆不懼，最怕作孽不修持，隨波逐流，苦海顛連。波浪滾滾受熬煎，苦不堪言。快修心，速回頭，反醒自新，彼岸同登，快樂在眼前。脫苦海，光明一片，心中不起波濤則無風浪。靜心能使金津潤，金闕玉池自怡然，皎潔不受污泥染，九品金蓮出湧

泉。無量光華不盈而盈，無自滿，處高之中不見高。誠正修持不傾歛，能不知高自不傾，齊登至高無上境，各自高歌樂逍遙。

**但是如何可，勸君息鼓旗，人事無爭擾，人間無是非，如是刼乃止**

，如是人可歸，歸於何處地，天花正亂飛，飛舞繽紛色，斯時樂若何，是樂曰極樂，惟善即可之，不但止於此，其景妙莫名，八千年蟠桃，幾千歲靈芝，優遊仁圃內，麒麟樂怡怡：

但是為人應如何能放下呢，勸君應即時收手，勿再錯過其時，不再流連於歲月，速速修持達須彌。和平好相處，世事無爭擾互纏，樂得清靜。民間不言人私語，處世嚴明公正，何來是非之言。能互相尊重禮讓，無偏黨私愛，守為人之道德宗旨，慈愛行仁，則災不臨刼乃止。能修能靜自歸根，歸根自與光明合，能合光明見本真，本真既見天花墜，天花飛舞顯繽紛，心花開放性光現。樂何如，自在達極樂，此極樂行善立德自可為。不但如此，其美景清幽脫俗，玄妙莫名。蟠桃靈芝，言其慶長樂共壽，與天地日月合其德，永矣盡矣。同體同德，共享自在，優遊於仁圃之內。行仁守德存義，見證慈悲，方能於仁圃內共證共聚。更見麒麟獻瑞呈吉祥，眾皆共樂也。

**嘯傲琪樹上，鳳凰亦弄翅，孔雀與大鵬，仙鹿與靈犀，是真大自在**

，無為無不為，惟善登極樂，惟惡墮泥犁，火宅與涼洲，人惟自擇之，天地不阿好，鬼神不阿私，故歸於善道，刼止永不迷，造成極樂園，廿字四周圍，是真大極樂，問人歸不歸：

能夠嘯傲於琪樹上者，得大自在也，故麒麟在此何其樂。鳳凰張翼飛舞以迎，孔雀開屏，大鵬展翅慶良辰，仙鹿與通靈之犀牛，皆生歡喜。這個去處，得不生不死住極樂之自在，達無為而無不為之道。大道本無為，能無為則無所不為，是為先天之大道。天本無為，而四時自行，地本無為，而萬物自生，人能無為，則大道自成。惟其能善行仁，則能登於極樂。此乃為人正直，不欺詐，不妄為，仁德道義固其本。惟惡何故墮泥犁，泥犁者，地獄也。惟惡則起貪，動其妄，妄顧別人死活而為之。積孽既深，自墮地獄受苦，與人無尤。惟惡者在火宅熬煎，火宅者，人間地獄也。世有瞎眼，破足，耳聾，口啞之人，又有禁桫徒死之刑，及其他惡疾所纏。惟善者則登清涼妙境，此境非境，乃其心不起不動，不貪不妄，無掛無礙，清靜安寧，一塵不染，達此妙境。此妙境離火宅而就清涼，守善之德也。善歟惡歟，皆人之自選擇。所謂一念之善登天堂，一念之惡入地獄，此乃自然之理。天地是無偏私的，好惡皆覆載之。仙佛神鬼亦是大公無私，亦無公報私仇的。人之善惡在心之所為，能行於正則處於中，中則不偏不倚，無左右之別。故能守善積德，自得康和祥樂。人無糾紛爭執，災



劫自遠不臨。這個大千世界，人能恆而為之，自然造成仁圃之極樂園地。廿字之廣博，圍繞著這個世界，此世界是最真最大之極樂世界。吾今問爾諸眾，如此美好之世界，要返來嗎。從速歸來吧，勿迷失天真錯過也。

### 偈曰

歸歟善地殊輝煌，不知災劫來未央，  
劫其止兮善其歸，是大極樂樂且長，  
何以云善即廿字，歸吾大道殊芬香，  
人既歸善天地寧，三才安定樂萬方：

為人能守正道，不貪，不強謀，不妄為，不起歹念，不為色相所動。意志堅定，勤修定靜，自見光明，得歸至善之道。其體光耀性自見，心花開放樂何如。能歸至善，永遠不知有災劫降臨，災劫永無即終止。速速修持莫遲疑，如是修持即能歸，能歸已達極樂境，此境既樂永久長。何故云善乃言廿字，能行廿字即聖賢。廿字能撐天與地，盡顯廿字現芬芳。大道無言，寄望能守廿字人心正。人心得正，天地得安寧，自能日麗風和心康泰，三才得安定，世界歡欣樂昇平。

## 接引王佛普度接引真經

### 香讚

雲城靄靄在心頭，上有光明卍字樓，不我居兮誰居之，  
唯善是寶唯德求，大道門開多方便，普度原人共一舟，  
原人共上接引道，和和藹藹玉京秋：

吾人修持，常存清靜無為之心。慈悲為本，引度諸眾脫離苦海。能靄靄共證於心，炁氣當通暢混合，靈光自能匯合無形，接雲城之大氣。雲城乃是清涼境，清涼遍透自在身，雲城上有光明照澈卍字樓，一朝到達雲城處，卍字大樓是我樓。此樓我不住誰可住，能住此樓見光明。修卍字之功，行卍字之德，得證其道，方可居此也。唯其修善境達至寶之道，道唯德所賴，修善修德理之所求。卍字門開多方便，大道如今更易修。普度原人無分你我，能修善果，自能共上一慈舟。慈舟泛於青波影，明月泛照在心頭，真假同臨皆一體，原人皆慶得修真。和和藹藹達金闕，玉京金闕便見秋。此秋即清涼，此體得自在。金闕玉京代表頭腦清醒，心境清靜光明，無垢無礙，清涼自見，煩惱悉消除。

原人迷失歧途，莫知歸路，紛紛莫辨，茫茫莫知，是誠可嘆，是誠可憐，吾願指導之以出迷途，接引同登大道，殊不知大道光明，而偏謂之黑暗，人間惡濁，而偏謂之天堂，一旦劫至災臨，雖悔何及：

原人性天迷失，走入歧途。受貪嗔癡愛，酒色財氣之惑，十三劫之偷漏。其善性忘矣，真元喪矣所影響，忘其所歸。何去何來，亂紛紛而方向迷失，不知應走方向，此為受不良惡濁所牽連。處此茫茫孽海之中，造孽作惡多端而不知。爭奪殺伐無日無之，實在使人太傷悲，太可憐，使人極為嘆息。佛原擬指導於人，使之向善，將其改正，脫離迷途能自醒，接引其同登覺路，共上康莊。殊不知其迷途未醒，大道之光明引照，一無所覺，而偏謂光明為黑暗。何迷寐乃爾，將人間惡濁之所為，視為至理，此之以黑暗謂光明。倒行逆施，一旦災劫之降臨，猶不知醒覺，身受其害，則悔之晚也。

群仙群佛，不忍見其迷戀不歸，亦惟徒喚奈何而已，噫，人生不百年，及時行樂耳，此語誤盡多少蒼生，害盡若干赤子，造孽生非，悉由於此，種災歷劫，悉根於斯，良堪浩嘆者也，即今之世，孽已愈結愈深，災已愈演愈劇，延無可延者，是曰延康，康無可康者，勢必化為烏有：

而群仙眾佛，不忍見諸眾生，迷戀惡濁不知返本。引度未果，徒喚奈何而已。更云人生只得短短百數十年之限，應及時行樂，享受人生，方不負此生。乃因此言，不知誤盡許多蒼生。只求享樂，不管禍害此生，這樣行

為，更害盡無數赤子。其耳濡目染，長大後之行為，使之陷溺於不當而更甚。人之造孽作惡，是非爭端由此起。種惡因而見災之降臨，嗜惡果得刦殺之果報，災刦之由來因此而成。眾仙佛見眾生不智若此，極之深堪嘆息。現今世上的人，所作之孽已愈結愈深，禍害愈作愈烈，災刦之來臨，更加為劇。果報愈來愈近，無可再延者，是謂延康。其延已不能再延，康無可康者，已無寧日。世上之惡氣漫延，雖見其康，勢必爆發其災，必見毀於一旦也。

**惟善可免烏有，惟德可免化為灰塵，立善之基，培德之果，惟入於廿字門中，廿字者，五教聖人之結晶，示人以善，立人以德，而歸於大道，走入聖域賢關，人誰不願為聖為賢，成仙成佛，惟此途徑，無人接引之也，苟有接引之者，則聖賢仙佛，人誰不願為之：**

吾人能够行善，不為惡世所染，可將之保留，則免化為烏有，烏有者盡毀也。能行於德者，其不為惡濁所困，則經絡固，經絡固本，可免化之為灰塵。守善立德，為道之基，德之本。惟其信奉廿字大道，守廿字之本，行廿字之途。廿字之創立，是五教聖人心血結晶所成，以之顯示於人，行教化，正人倫，一本諸仁，以歸其道，道合於一。學聖人之言行，守聖賢準則，此為聖域賢關之途徑也。人必希望為聖賢仙佛，惟此途徑是無人來接引的，要靠自己也。能積善立德，守廿字之大道，德善立見。假如有接引之者，必為聖賢仙佛之接引。世人皆願為聖賢仙佛，仙佛之道在於人，廿字為根基，仙佛鑒此心，人恆為之，必有所成也。

**聖賢仙佛，亦是人也，彼可為，而我亦可為，可為者，有廿字接引之耳，今吾人亦有廿字接引之矣，惟拘束身心者，則此廿字，立地成佛者，亦此廿字，未有不學而知者，亦未有不學而成者，盲人瞎馬，誰接引之，不致為迷途所誤，不致為妄人斤誘，則此廿字，實可效而法之：**

聖賢仙佛，皆人為也，如孔子，老子，釋迦牟尼，耶穌，穆罕默德，此五教之主，亦是人也。因五位聖人，皆行教化，正人倫而成聖。彼等既可為聖人，人皆可為之。可為者，有廿字之道而已。現今吾人亦得廿字之引導，得入大道以守正，能遵照廿字之則，行之守之，自能約束其身心。行乎禮，守乎正，端賴此廿字。行仁守德，能夠立地成佛者，唯此廿字也。此廿字之光，應努力行之，自有所成。從未有不學此廿字而得知其道，亦未有不學而能成功的。故應歸於大道，學而知之而成之。無人指導者，如盲人騎瞎馬，誰可引導之以歸於正，不致走入迷途，為邪惡者所誘惑。能引導，則教之以廿字，使其能行其德守其本，可效法先聖賢之道也。

**不然，背此廿字，即是迷途，即是妄人，何以故，酒色財氣，四者之中，苟誤入之，即終身永受無量痛苦，貪嗔癡愛，四者之**

中，苟誤戀之，亦終身永受無邊煩惱，莫謂興之所至，一時貪戀，而誤終身，所謂一失足者終成千古之恨，可不慎歟，可不懼歟，而災也降矣，劫也臨矣，伊誰為之，為之者己也：

不然的話，其違背廿字之守則，即已誤入迷途中，亦即為妄人。妄人者，為惡者也，狂妄自大。何以故而為之，為酒色財氣所祟。酒能亂性傷身，色能迷人傷體，財能迷人心竅，氣則不忿湧心頭。此四者之中，勿受其迷，迷則終身受累。貪嗔癡愛，貪、得而無厭；嗔、怒恨無常；癡、瘋癲不常；愛、不忍釋之。此四者之中，勿思戀之。不捨者，亦終身受其纏繞。貪嗔癡愛，酒色財氣，為八大魔障。使人損害至深，作孽至鉅，能使人受盡折磨，痛苦也不知其因由也。切勿因興之所至，一時迷而戀之，致貽誤抱憾終身。所謂一失足成千古之恨，無可挽救。為人切要謹言慎行，戰戰兢兢，慎獨其介。因其迷且妄所造成之災劫，而災劫亦因此相繼降臨。誰實為人，為一己所犯而為也。

劫由心生，心正則無劫，心善則無災，何以致之，即在廿字，廿字之途，正現康莊，盍携手而同歸，莫失普度良機，千載不遇，悔恨何及，速受廿字之接引，不為一切所迷，而乘普度之時機，共登康莊大道，時機易失，災劫易臨，惟廿字門中，可免斯苦：

劫由自己心內生，心受諸般色相所誘，癡心妄想及利害衝突造成之成因。心正則神正，心善則神寧，正善心清朗，清朗見光明。何來災劫。何以能無災劫，守廿字之本，行廿字光明之途徑。此徑為康莊大道，何不携手前往而同歸。有此同歸之德，切勿失去普度接引之大好機會，千載難逢。如果將之錯失，則悔恨莫及。故應把握勿錯過，從速接受登上廿字慈航。慈航同上啟覺路，癡妄迷離皆不起。趁此機緣巧合，一齊共返樂康莊。機緣切勿失，失此災劫臨。切記信守廿字，災劫可免降臨。

### 偈曰

廿字門中廣大開，予今接引上春台，  
熙熙共樂雲城會，廿字光明掃劫灰，  
普度慈航撐苦海，速離苦海脫塵埃，  
如是劫災一掃盡，輝煌大道共歸來：

現在廿字大道之門張開，大開普度，教人正信廿字。能為能行者，是即仙佛聖賢。五教中皆只傳一二字，況吾教之廿字乎。此廿字正善無比，故望眾生皆守此，世界自昇平，極樂自見。此康莊大道，光明處處，熙熙攘攘，眾皆樂聚雲城，與群仙群佛慶同聚共樂。清涼妙境多歡樂，廿字光明掃劫塵，苦海沉淪皆引度，速上慈航廿一舟，廿字能撐天與地，廿字培育出聖賢，廿字大道光照生輝慶來歸。

## 藕池主宰明善品妙真經

### 香讚

香風靄靄遠益清，香氣騰騰花露盈，巍巍九品人間寶，  
出入污泥不染塵，高潔晶瑩無量品，是誰人能九品登，  
香風靄靄遠益清，光芒無量藕池春：

藕池中之香風陣陣，散發既香且清之氣息。此香可啟發人之頭腦清醒明寧，身心舒暢。將心內之不安情緒，一掃而空。香氣滿溢中蓮花遍開，既可宜人，更可啟發人之思巧。既香且露花滿盈，蓮花代表人格，氣質清高，不受世濁所纏，巍巍在上而達蓮之九品，為人間修心養性之至寶。人能善修其品德，養其浩然之氣，性德隨和，行其所安，自得至道無上妙果。此為蓮花出污泥而不染，清香高潔，通透晶瑩，濁塵不染，自達無量妙品之巔。誰人能登此蓮花九品之巔，能學蓮花之體，不受塵世污濁之惡氣所染。常行慈愛之心，不為貪嗔所累，不作癡愛之纏，酒色莫留戀，財氣勿牽連，如此可達蓮花之境。高遠香溢，香風遠送花露盈，精光遠照，藕池花開遍迎春，達妙境，得其樂，此為極樂無涯矣。

### 經曰

人生之初，渾渾噩噩，惟渾惟噩，心地皎潔，心地何地，藕花滿池，巍巍九品，無量光輝，火裡栽蓮，香氣霏霏，是吾人之至寶，何心何地而無之，惟人之初，渾渾噩噩，故其皎潔無量，光明無比，是渾是噩，是大智慧，上不愧天，下不忤地，非今人之可擬：

人生之初，一無所知，渾渾噩噩，不識機詐，但求安穩，別無所求，心地極之皎潔。不知天高地厚，不知人間險惡，渾噩一團而已。何為心地，此為修道，養性之人，應修到心中無物之境界，達清靜晶瑩通澈，自然心花開放。性花開放，則蓮花處處，遍地金蓮，如藕花滿佈池中。心香性花吐艷，達巍巍九品在其上，無量光華照耀。從熊熊烈火之中，不受塵濁惡世所薰陶，跳出火海，栽出金蓮，香透骨髓而達四肢。清香四溢，為吾人修持所得之至寶，達真如之妙境，何存有心地之可言。惟人之初達妙境，渾然無物，渾噩而具清寧，虛空無著，具大智慧。人我不具，上無愧對於天，下無忤愧於地，光明無比，今時之人，能可將之比擬嗎。

今之有人，利祿是爭，好名好貨，上下交征，濁氣瀰漫，惡聲牽縈，良心赤顆顆，已毫無所存，不知其何以致此，其致之者，污泥滿腔，污泥滿池，蓮花出焉，香遠益清，顏色無量，不染污泥，斯品至上，至上至妙，君子比之，惟君子不染塵，故以蓮花喻之：

現時世上有此種人，唯利是視，賣官求爵，抬高自己，不厲他人，好爭名，好貨財，不擇手段而為之。上有好者，下更有甚焉，此止下交征利，

從此道德蕩然無存。彼爭此奪，嗔怨哀愁，無日無之。惡毒之氣結成，污濁之氣遍布，乖曲之事從始起，聲名狼藉顯繽紛。道義何存，人心何在。一顆顆善良之心，為惡氣所蔽，不知羞恥，良知蕩然無存。何以致此，其如斯者，因其污泥塞滿於腔中，污泥亦塞滿於體中。此污泥者，七情六慾也。爭奪殺伐，無日無之。在此污濁塵世中，幸有蓮花出焉。此蓮花代表聖人出焉，此蓮花不受污泥所染，行教化，正人倫，香飄遠溢，遠近受益。蓮花顏色紛紛，色色俱存作引導，方方闡教醒癡迷。能不染污泥則經絡固，經絡固則天清地寧，不受污泥所染，此為妙品，巍巍九品，達至上至妙之境。此則以君子來比喻之，君子者，謙謙守禮，德育兼備，正己正人，不欺心，不淫盜，不虛妄，不苟且，浩氣存焉。所行所止，皆守於正，故云惟君子不染塵。因其絕不與小人同流合污，信不欺也，故以蓮花為君子之稱。希望人皆君子，勿作小人也。

**惟佛不染塵，故有蓮花為其所居，唯蓮花有九品，故佛法平等，而各自主持，其最下品者，亦出污泥而不染，豈凡人可以企歟，唯凡人亦人，而佛亦人，佛可以登，人豈不可以登，功德無量，慈悲莫盡，即異於人：**

只有佛才不會染濁塵，其不著於色，不著於相，發大慈悲心，普度眾生，願眾生皆脫苦海，共證菩提。故此蓮花為佛所居，為佛所具。而蓮花亦分九品，上、中、下各三品，看自己能培植功德多寡，達於何級何品。故云佛法平等，以其功德多少來鑑定，並非由天所定，實由自己所具功德多寡而成就之，此即所謂各自主持也。其蓮花之最下品者，亦要不著於色，不著於相，慈悲無量，方能達之。亦要出污泥而不染，才能成功。能將一切之色色相相掃盡，光明晶澈，遍體生輝，此情況凡人豈能與之相比乎。而凡人亦人，佛亦人為，何故佛可登蓮。人當然亦可登蓮，不過人能將七情六慾摒棄，行仁培德，正氣凜然，行慈悲愛眾之心，德蔭廣被，自居蓮境，其成就有異於常人也。

**佛者弗人，人之所弗者，而佛登之，人而登之，即弗人也，弗人可登，何勿弗人，弗人者，覺出於污泥而不染焉，蓮座巍巍，何其妙焉，災劫不侵，無是無非之國，水火不襲，無色無相之天：**

佛者非人也，因其無我人眾生壽者相，無一切苦惱，故能成佛，此乃人之不能為也。而佛能弗之，故能登佛境。人假如能將一切慾念妄想拋卻，清其心，靜其意，不貪不謀，不起不動，刻意修持，可登佛境，此即弗人也。弗人者，不具不著，心中無物，清靜自在，與世無爭，與人無忤，不跟時世同流合污，達明覺之道，即達妙境，則坐湧蓮花，巍巍乎於聖境之上，不生不滅，光輝燦爛。妙也哉，無災劫之侵。天國之鄉，無是無非之境，心中無所著，何來是與非。水火能既濟，五氣得調和，何懼水火臨。一切色相皆虛幻，無色無相達妙邦。

是處何處，蓮花滿池，無是無非，無色無相，無上金光，明澈無量，是曰藕池，吾乃居之，吾願九十六億種子，共來伴吾：

凡人所居為何處，乃蓮花藕池。此蓮花藕池，乃吾人之心胸也。心無所著，無所繫，何來是與非。不執著，何來色與相。一切不具不著，自然心地光明，遍現無量金光，光澈無量，不受濁塵污染，故稱之為藕池。主宰居之，主宰者，實為吾人自己之主宰。希望吾人皆心地光明，行為正大，不偏不倚，方不失為入之道。更望九十六億佛子，即世界上之眾生，一體行之，則世界昇平，大同永達。齊來相伴，共慶得永樂也。

### 偈曰

來伴吾兮蓮花香，香氣拂拂清且長，  
災不臨兮却不侵，無非無是極樂鄉，  
極樂吾亦不知樂，廿字芬芳吐光芒，  
光照三千大千界，金剛不壞樂且康：

能夠與主宰相隨伴，心性定神清。不起不動，無罣無礙，無恐怖，遠離顛倒夢想，方克達藕池清涼妙境。蓮花處處，香氣拂拂，清香妙聞得長樂。自在怡怡，既能追隨於主宰，則已見證，既得見證，何有災劫來侵臨。無是非之牽連，無癡愛之纏繞，心境清靜安寧，是謂極樂。胸懷坦蕩，一切不著，達極樂而不知極樂，此為真樂。行廿字之大道，守廿字之法則，正己化人，自然藕蓮香吐艷，芬芳馥郁顯光芒。三千大千個裡定，不染濁塵樂此身，此身已成金精體，自得安懷樂且康。

## 無上法王至道解劫真經

### 香讚

法無上法，紫炁祥雲，道乃至道，返本歸根，  
重興德教，萬物安寧，災消劫解，無上光明：

法，是無上甚深微妙法。如何能修此無上法，守廿字之本，行廿字法則，方可達之。能達者則為聖佛仙賢之道。紫炁為瑞氣，祥雲為吉兆，指瑞氣氤氳，吉兆遍佈，此為見證於道所啟現也。道為至理至德之道，明乎道則能返本歸根。歸根曰靜，靜能返本復命。此乃修靜之法，不起不動，不偏不倚，性定隨和。道合於一，一本萬殊。今能重興遠古昔日軒轅之德教，行教行，正人倫，即今之天德聖教。以廿字為本，推之行之，眾皆守之法之。無爭奪殺伐，無貪愛癡嗔，萬物庶類，盡皆享安樂寧靜之福。無偏無黨，互不相爭，一眾和睦，災自消，劫自解。瑞氣祥雲常遍繞，景星自見昇平，眾皆達光明之大同境域也。

### 經曰

何以謂之法，無法可以言，何以云無上，惟道乃至詮，  
道者何所有，籠罩包大千，道者何所無，萬物皆歸焉，  
云無而亦有，廿字是妙傳：

何以稱之為法，此法以心為法。心性清靜，不起不動，行自然之道，守自然之德，此為自在無為之法則。實乃無法之可言，本自然之道而已。無色無相無偏無黨，無私慾之心，自然達無上之至境。無上者，乃至德之道，行佛法唯平等之心，故能不高而自高，故云無上。此無上者，惟有守道行道，方得至理之真詮。道何故言有，因道守自然之法，從無至有，乃至道之理。整個大千世界所屬，皆由道之包涵。包涵者，一切之生生不息，河山秀麗，生機盎然。道者何以無，無無是法則，無乃生造化，無乃產至仁。至仁能返本，虛無證此身。此身既成極樂體，萬法歸宗慶圓融。從無而生有，有中得見廿字傳，廿字生法則，普度諸眾緣。

入我廿字門，正心誠意先，亦可為仙佛，亦可為聖賢，  
何以有斯妙，妙到顛上顛，何以識斯趣，趣到玄中玄，  
一以生萬物，化生無不全，是以不曰道，以其難云言：

要歸依信奉廿字，即入我廿字之門，一定要正心誠意為先，更要遵守廿字法則，推廣廿字。能守能行此廿字者，即可為聖佛仙賢。可以能夠守法此廿字，則可達清涼妙境。此境非境，乃心中有所規範，故無踰越。能守法此廿字，乃是至人，至人則可超越三界，達最高無上之境。既達至境，則能識此奧妙樂趣。此樂趣能返於無，無為玄之妙，妙在心扉一切不復存。玄中玄，一切皆空見妙玄，此是無為法。法性見真詮，空中存至有，至有是無生，無生生不已，化生萬物全。所以不言道，道者一切聽自然，不起心，不動念。一有起心道自泯，應切切守廿字。以此廿字創法船，度有緣。



是以曰廿字，以其奧易宣，何以奧易宣，無不陳我前，  
以之修吾身，吾身大至然，順此至然理，至然無不然，  
皇皇有法則，無量亦無邊，此法無上法，道亦法自然：

因之難以有所表示，所以稱之廿字。此廿字真諦，使人易於明瞭其中之奧妙，及易於宣揚。何以奧妙易於宣揚，因廿字之所陳，歷歷在目，擺於眼前，發人深省。以廿字法則來修身，吾身達至人自然之境。順此至道至然之廿字，修之行之，自然達成功之路。至道至理乃至然，無有不是也。皇皇然，誠恐有過失。要堅守自然法理守別，不及於亂。行廿字之妙法，自達無量無邊之妙法。此妙法為無上甚深微妙法，為修身立德之不二法門。修而行之，即達道法於自然也。

自然何所云，逆理便不然，順理萬物育，天亦何嘗言，  
日月運行焉，四時不逾焉，斯理正易明，人何不學玄，  
玄玄多變化，廣具如來緣，如來何有緣，其妙誰周旋：

自然甚樣才是，不勉強所求，順理行之為之。逆理則為不自然，失敗成功從心起，心存至理得自然。順理世間萬物育，逆理災劫苦相纏。天上何曾言此理。日月順理自運行焉，日月照明啟真理，心地光明得安然。春夏秋冬寒暑見，四時八節順自然。四維八德從斯理，順逆之道易得明。人能守此自然理，為何不學玄機妙。玄者窮妙理，妙理乃自然，不起不動無色相，玄之又玄達虛無，虛無之妙成渾沌。渾沌即真如，真如自在能廣具，廣具廿字度有緣。如來何來緣，眾生學妙緣。達到妙境即聖賢，妙不可言，返本與仙佛共周旋。

妙在廿個字，毫無一大篇，廿字是法則，孽海泛慈船，  
潺潺孽海波，沉淪殊可憐，應具慈悲願，援之牽復連，  
一一都拔度，朵朵產金蓮，金蓮長滿池，池水清且漣，  
豈同孽海波，有如滾油煎，此蓮如何長，廿字培之先：

妙法為何物，乃是廿字緣，行此廿字好妙法，此法是真詮，絕對不沉悶，活潑更玲瓏，並無理論一大篇，既淺又易明。廿字既為人所修之法則，能守能行廿字法。廣為宣揚，使人明覺，即於孽海中泛慈船。滾滾而來之孽海波濤，川流不息，波濤洶湧，源源不絕，使人難於自拔，沉淪受苦確堪憐。既行廿字法，應具慈悲廣大願，願眾生皆能守廿字大法則，統施援手上法船，接引到雲城。眾皆得超脫，遍地金蓮朵朵結，金蓮長滿池，池中清靜無污染，池水清且得和風吹，吹遍大地起漪漣，共沐莊嚴。孽海波濤，何能與自在相比，孽海泛波，一個飽嚙痛苦任熬煎，於苦海中顛連。能醒覺，自種蓮，此蓮如何能生長，得睹廿字好培元，遍地種金蓮。

此是菩提水，灌溉顏色鮮，巍巍無量色，誰復同此妍，  
故云廿字者，其創自聖賢，易知亦易解，豈云秘不傳，  
其用大無比，蓮花實產焉，此即是大道，可言不可言：

此廿字容易使人明覺，所云菩提水者，即吾人得覺得道，醒悟過去之非，能覺能明，自然心地光明，貪愛癡嗔不起，不具不著。蓮花既得此水灌溉，品質之高更具無量光彩鮮艷顏色。誰能與之相比，儀容妍麗，瓣瓣清香觀自在。誰創造此廿字，其創作出自先宗師蕭昌明也。此廿字易明易

解，人能守之法之，即聖賢也。故並無不傳之秘。此廿字之用，實在壯大無比，其能使人易明易覺，守身立德，行仁守禮，和睦親鄰，雍雍穆穆，和諧共處。則蓮花自出焉。此即是大道，大道本無言，全賴力行焉，順理為大道，逆理非所言，所言非所言，正心誠意先。道也者，不可須臾離也，慎之慎之。

**大道本無言，吾今任意宣，大道本無法，無上法則傳，  
何以法則傳，即在廿字言，苟能遵廿字，冤孽脫牽纏，  
災消劫亦解，至道真大焉：**

大道是不會說話的，為人能不違背良心，不欺詐，不起貪念，不作非份之想，不殺盜淫妄，不言論是非，誠意待人，此為道也。現在隨意講解一些道理，使人易於明瞭。大道本無法，法則自然，此法要吾人效法於天地，天無私覆，地無私載，日月無私照之大公，孕育萬物而不具德，人能慈悲愛眾，自見於公，能公能正，是至高無上之自然法則，以之見傳於人。何以見得此法則能傳受於人，實賴此廿字真言也，字字珠璣。如皆能遵照此廿字傳流於世，則眾生皆能互助互愛，互達慈悲大願，永不起風雲，雍穆和諧，則冤孽能自解。災劫永不臨，達大道至真至上境界也。

### 偈曰

**劫解災消至道傳，惟茲廿字是慈船，  
泛泛孽海度沉淪，妙而妙兮玄而玄，  
亦何所妙亦何玄，無上法則度有緣，  
蒼黎一切歸廿字，無災無劫樂無邊：**

能夠災劫化解不再臨，全賴眾生修心能自拔，不再欺心廣向善，能向善達至德，至德得廣傳。得廣傳，全賴廿字撐慈船。慈航普度來宏法，眾皆得聆廿字法，於孽海中度有緣。有緣無緣皆一體，一體離苦海，免墮沉淪，此為玄之又玄兮是妙法。妙在廿字好培元，不著於色不著相，無色無相乃至玄，能具慈悲施普度，何所玄，何所妙。以無上法則，普度世間緣。眾生明至理，歸結廿字緣。共上康莊路，解脫苦海得自然，自然是樂境，無災無劫樂無邊。

## 慈航天尊救苦度厄真經

### 香讚

心香瓣瓣達上蒼，甘露點點灑下方，  
淨瓶懷抱勤普救，度盡苦厄化吉祥，  
三界十方歸廿字，大道如今祝大昌，  
人心受此甘露濯，一團和氣集慈航：

天尊救世具大慈愛心，其大願為眾生解除苦厄，苦心孤詣，不懼辛苦，故能心香瓣瓣達上天之中，昭其心志。甘露則遍施下界，大地眾生得甘露潤澤，自然頭清腦醒，心地光明，不作非份之想，此為清靜自在，五內平伏，故得清明。其抱勤謹志願來普救眾生，將大地眾生之苦厄顛連，化作祥瑞和諧。使眾生靄靄共聚一堂，皆大歡喜。使三界十方諸眾皆歸納於廿字大道之中，廿字能使人醒覺，能覺能明達本真。大道如今祝昌盛，昌盛和諧當得甘露來洗濯，將污濁昏暗一掃光。眾皆得清涼自在，一團和氣，集合共達妙邦，齊上康莊。

### 經曰

善哉善哉，劫運將開，大道將昌，先以逆來，逆來順受，  
無劫無災，無苦無厄，同上蓮台，何以逆來，黑霧重霾，  
颶風暴雨，浩劫成災，瘟蝗癘氣，尸骨成堆，血流填海，  
遍地哀哀，念斯慘狀，實傷我懷，我懷悽切，悲從中來：

善哉善哉，乃助語詞，為善始善終之謂。劫運將啟，何來劫運將啟，是人心不善所致。何來不善，貪嗔癡愛既起，殺伐相爭隨來，為種種惡因積聚而成，因有劫運來臨，民何以堪。故大道之行也，昌明教化，啟迪眾生，行善修德。將一切不稱心之逆境拋卻，行逆來順受之明德忍讓。能忍能讓能和，不起爭奪心，心性清淨，與世無爭，與人無忤，則無災劫降臨，更無苦厄顛連之災。清靜自在，如能守之行之，當可證妙境於蓮台，共慶新生。何能有逆來，此逆來唯人心之險惡成性，貪慾是從所成，惡氣凝聚，陰霾遍佈，致天怒人怨。暴風暴雨之災劫降臨，乃人之惡氣為患而成之。繼之瘟疫臨而蝗蟲降，民不聊生，而邪惡之厲氣遍佈。爭奪殺伐無日無之，殺人盈城，尸橫遍野，血流成河。遍地哀鴻，誰屬為之，權利不捨，種種慘況，在在堪憐。如斯慘痛，能不使吾傷悲乎，我懷念世上之悲慘情節，豈有不痛在心。悲憫惻隱從心生，亟盼挽回劫運，哀眾生之不智，禍端不已。

恐化成塵，恐滅成灰，斯是何故，自造孽台，孽台高築，  
冤怨安排，有仇必報，有恨難挨，輾轉不已，戾氣皆乖，  
不復有善，惟惡是諧，如此戾氣，掃不能開，天地閉塞，  
乃成劫災，愍不畏死，誰回心來，惟不回心，傷哉痛哉：

悲眾生之不智，不及早回頭，備受災劫禍害而遭殃，地水火風之大劫所及，易將人化為灰塵，屍骨無存。何故致此。惟人心不行德善所造成，貪

婪成性，殺盜淫妄，利令智昏，使人之理性盡喪，八德無存，此自作之罪孽也。至此猶不醒悟其非，罪孽愈造愈多，不知其孽台高築，苦海愈墮愈深，無法自拔。冤怨緣之孽障安排，仇怨益深。時思報復，飲恨傷悲，誰可伸訴。積怨積恨，填滿於心，報仇雪恨，輾轉於懷。時思報復，戾氣積聚而生乖，乖念一起殺機隨生，不復知有德善之可貴。只知求報復之惡念，惡氣融而不諧，悲慘隨生，爭殺自起。惡濁戾氣遍佈於世，人心冥頑不靈，舒解不來掃不開者，心結也。天地閉塞者，乃頭昏腦脹，心緒不寧，致天地閉塞。宇宙不清，胡混不已，災劫自生。愍者其內心過於悲傷，傷懷耿耿，何懼於生死乎。誰個能回心醒覺，去惡從善，則自在可得。如果尚不知醒覺，繼續不斷沉淪，苦海無邊。孽乃自作自受，與人無尤，實使人傷心痛心無間也。

**天眼不爽，有神三台，歷歷鑒察，秦鏡有台，善惡分明，  
苦厄離開，惟善可免，無劫無災，故云順受，人孰與偕，  
同歸於善，好自調排，道味至佳，燮理鹽梅，得失有當，  
善惡分開，惟善是寶，惟惡是災，得寶失寶，主意不默：**

天眼昭昭，報應不爽，因有三台之神，時刻鑒察，一點都絕不放鬆。三台之神，北斗三台也，亦稱天柱。三台之神，如秦鏡之高懸，絕不錯漏。惟善者不受苦厄牽纏，更可免災劫之禍。故云順受者，乃逆來順受之謂，不作無謂之爭，事事退而忍讓，與人無爭，則何有災劫來侵凌。人皆如是，忍讓無爭，同歸於善。善與人同，各得安然。此則要自己好好調燮安排，不起異心，不作他想，一心向道。燮理鹽梅，燮理者，調燮也，水火能既濟，陰陽得調和。鹽能下火，梅能生津，火下則不動，津液調和，以濟於火，火降水生，鉛汞升降達黃庭，靜乃得真髓。主意不失，善惡各分，惟善是至寶，至寶為快樂之泉。惟惡是災，惡念起而糾紛爭，爭奪殺伐，災禍立見。得寶與失寶，隨心所起也。主意唯自己，人不能強之。默者為癡而矣，癡心妄想也。

秦鏡高台：何謂秦鏡，於秦滅後，漢高祖入咸陽宮，金玉珍寶，不可稱言。有方鏡廣四尺，高五尺九寸，正反面都明亮。人來直照之，影則倒見。以手捫心而來，則見腸胃五臟，歷歷無礙。人有疾病在內，掩心而照之，則知病之所在。又女子有邪心者，則膽張心動，秦始皇常以照宮人，膽張心動者則殺之。高祖悉封閉以待項羽，羽併將於東，以後不知所在，後人頌斷獄之神明者，曰秦鏡高懸。

**即以逆來，何與我哉，避劫妙法，何必深哀，共上慈船，  
廿字是懷，速將心洗，速將心回，回心向善，仙佛成胎，  
是謂善胎，重新作孩，一切已往，皆如死灰，死灰不燃，  
快哉樂哉：**

假如以最不恰當之語言，作任何漫罵攻擊，是即逆來。逆來乃強蠻者也，何必與之相鬥苦纏，徒傷自己身心與感情。一經破裂，怨恨即生。故逆來順受，彼高我短又如何，一笑泯之，一切於我何干。爭拗不起，怨恨皆消，此乃最佳之避劫方法。別人詆我譏我，何必與之爭論，公道自在人心，何必深感哀傷，影響自己心情。應以廿字之妙理，啟發愚頑，使其醒覺引度之，共沐上慈船。各守廿字之本，各行廿字之德，自能洗心革面，

回心轉意而向善。能守廿字行慈悲善念者，即具仙佛之胎結。此胎以真神真炁結成，默守不動起胎息，為如如不動之至境，至境達至性，至性曰佛，佛性既見，故稱善胎。能不起不動，依廿字法則行之，即能重返於赤子之心，無掛無礙，乃得自在。以前之非如死灰，死灰飛散不復燃，快哉樂哉，廣結廿字大因緣。

**雲城大會，來乎不來，斯中有境，眾妙門開，琪花瑤草，  
金砌玉階，無苦無厄，無劫無災，知乎否乎，來乎不來：**

既能結胎，則能見性，見性曰佛，達清靜自在境，此境非境，歸於太虛，接太虛即達雲城。眾皆於雲城匯合，同返清涼妙境，為何不來者乎。玄玄妙妙見真性，此是極樂境。玄妙達至理，至理妙理共冶一爐，此為眾妙之門，妙境見妙性，妙性是見證，見證自莊嚴。仙境中之琪花瑤草，清香妙品，自在逍遙。階前金堆玉砌，一片清幽在眼前，遍現天花墜，心花開放性光現。無苦厄之顛連，無劫無災之侵擾。此是妙境之樂趣，知乎否乎，速自作決定，有此好去向，不容錯過。必群起行廿字之德而來，共享極樂也。

**偈曰**

**雲城妙境樂且多，逍遙快活異娑婆，  
災劫不來真自在，苦厄其亦奈我何，  
唯是善人乃極樂，唯是惡人墮孽波，  
孽波汪洋深復深，快上慈航唱佛歌：**

長樂我靜，不起不動，自在至性，達至境於太空雲城。雲城清涼是妙境，妙境清靜樂逍遙。清靜無為，無一切色，無一切相。一切皆空空法相，有異於娑婆滿濁塵。濁塵捨卻心清靜，體現光明不染塵。塵埃不入，災劫不侵，苦厄自遠，無奈我何。爾能守善行廿字，自在其中樂趣多，爾若不修招苦惱，苦惱即墮孽海波。波浪滾滾，滔滔孽海幾翻沉，孽愈積愈深，苦海愈墮愈沉。快快修心猛醒覺，莫遲疑，速速同守廿字好上法船。普度有緣，共唱自在返老家園，共證雲城慶團圓。